

Danas okupljanje reprezentacije BiH bez povrijeđenog Edina Džeke



Najbolji nogometaši Bosne i Hercegovine okupit će se danas u Zenici uoči kvalifikacijskih utakmica protiv Finske i Grčke.



Reprezentacija će se okupiti u Trening centru Nogometnog saveza BiH, a večeras će obaviti prvi trening.

Selektor Robert Prosinečki za ovaj ciklus kvalifikacija neće moći računati na prvo ime reprezentacije, napadača Edina Džeku, koji je u meču italijanske Serije A između Rome i Cagliarija slomio jagodičnu kost.

Iskusni napadač će biti podvrgnut operaciji i zbog čega će propustiti narednih nekoliko mečeva Rome, ali i reprezentacije BiH.

Njegova povreda je veliki udarac za selekciju BiH u važnim kvalifikacijskim utakmicama s obzirom na to da naša zemlja nema drugog napadača Džekinog kalibra koji bi ga mogao zamijeniti.

BiH u kvalifikacijama ne stoji dobro i mora pobijediti oba meča ukoliko želi zadržati šanse da se plasira na evropsko prvenstvo.

Reprezentacija BiH će igrati protiv Finske 12. oktobra u Zenici, dok je gostujući susret protiv Grčke zakazan tri dana kasnije.(Fena, tl)

Date: 07-10-2019